

ELECCIONNAN LO TUMA LUGAR NA FIN DI NOVEMBER

ORANJESTAD(AAN)— Normalmente ta calcula un fecha pa un suceso, partiendo for di e actual fecha. Den caso di eleccionnan pa Parlamento a dicidi di sali for di e ultimo fecha. Punto di salida tabata, cu dia Promer di Januari pa 0.00 hora, mester tin un Parlamento pa Antillas di Cinco y pa

Aruba. Si duna un luna di tempo pa trata credencialnan di esnan cu wordo eligi, na fin di December pues por tin reunionnan pa aproba e credencialnan pa asina e Parlamentarionan por tuma asiento ariba e promer dia di aña.

Si tuma pues un tempo di un luna pa e asunto di credencialnan, eleccion-

nan lo wordo teni na fin di November, esta durante e ultimo siman di November.

Cu e fecha aki na vista, ta sigui regresa den tempo cu ta indica cu lo mester manda Staten cas, y cu na Aruba Gezaghebber lo mester disolve Parlamento, na un fecha cu ta haci

posible pa durante e promer siman di October entrega di lista di e partidonan politico tuma lugar.

Mientras lo ta regla cu e eleccionnan pa Parlamento, di Antillas di Cinco, segun e formula describi lo tuma lugar na fin di November, ta wordo spera cu Aruba lo tene eleccionnan pa su Parlamento simultaneamente.

Indicacionnan ta, cu e fechanan cu a wordo fija tentativamente lo por wordo alcanza, y e unico problema cu lo por surgi ta, cu den Parlamento di Aruba surgi problema pa pasa e Constitucion di Aruba y tambe e Acuerdo pa Cooperacion entre Aruba y Antillas di Cinco.

E speranza ta, cu e

asuntunan cu a keda trata den Comision di Independencia ampliamente, lo no conoce problema grandi durante tratamiento den Parlamento di Aruba. Problema, esta falta di un sosten di dos tercera parti den e Parlamento, lo significa, cu lo mester disolve Parlamento pa despues di eleccion bolbe vota ariba e asuntunan.

Pero tur indicacion ta, cu e sosten di dos tercera parti lo ta presente, loke lo significa cu lo no tin problema mayor pa alcanza e fechanan fija.

Si tene na vista cu, segun tur calculo, probablemente fin di November ta bay urna electoral, por bisa cu e campananan politico cu ya a cuminsa, lo wordo prolonga.

Diputado Henriquez

NINGUN MOMENTO ARUBA A PIDI ASISTENCIA DI GOBIERNO CENTRAL

ORANJESTAD(AAN)— Basta preocupacion tabata reina den seno di trahadornan di Gobierno, despues di informenan cu e luna aki lo no tin placa pa paga e trahadornan di Gobierno di Aruba. E informenan aki y otro rumornan a causa incertidumbre serio cerca esnan cu a mira nan entrada na peligro.

Henter e asunto tabata tin que haber cu un viaje cu Diputado Milton Henri-

quez a realiza pa Curacao, caminda el a bay papia cu representantenan di Gobierno Central.

A wordo asumi sin mas cu Aruba no tin placa y cu a bay solicita asistencia. "Redo. Mentira pertinente". Tabata e reaccion di Diputado Henriquez, kende a mostra cu su viaje pa Curacao tabata relaciona cu conversacionnan cu e mester a sostene cu Gobierno Central

encuento cierto medidanan cu mester wordo introduci.

E medidanan aki no por pasa solamente cu decision di Gobierno di Aruba, pero mester wordo base tambe ariba cierto areglonan juridico cu ta den man di Gobierno Central. Diputado Henriquez a bay solicita e cooperacion di Gobierno Central, cu a priminti di yuda.

AYUDO DI HULANDA Y INTRODUCCION BELASTING ESPECIAL NA FORMA SIMULTANEO

ORANJESTAD(AAN)— E siman aki ta continua e reunion di Parlamento di Aruba, den cual e Diputado encarga cu finanzas, lo mester contesta preguntanan. Sin duda e lo mester splica e medidanan cu ta bay wordo tuma y con y ki dia por spera nan.

Preguntanan cu ta biba tambe den Pueblo.

Den conversacion cu DIARIO, Diputado Milton Henriquez a mostra cu e medida cu tin preferencia di Gobierno Insular ta e introduccion di un belasting especial pa confronta un situacion di crisis.

E belasting aki mester wordo introduci no mas laat cu dia Promer di September. E intencion ta pa e keda introduci dia

Promer di Augustus, pero lo por bira Promer di September, comoquiera cu mester regla cierto aspectonan juridico importante. Aumento di belasting, o introduccion di un belasting especial por tin consecucionnan, si e no wordo bon studia.

Mientrastanto pa Promer di Augustus tambe ta spera cu e ayudo di Hulanda lo cuminsa drenta. Ta trata di e ayudo cu Hulanda lo bay duna durante un aña pa permiti Aruba pasa den e situacion dificil cu a presenta su mes a raiz di ciere di Lago.

Diputado Henriquez a mostra cu Gobierno ta deseoso di cuminsa pronto cu e medidanan necesario pa asina evita cu ta sigui haci uso di reservas, loke

por crea un situacion mas fastioso.

E Mijor manera pa haci bo TAPIJT LIMPI

E proceso di Host extraction seco ta haci tapijt limpi hasta mas limpi cu cualquier otro manera profesional. Como cu nos sistema ta laga bo Tapijt seco bo por haci uso di dje inmediatamente sin tin mester di warda. Ta pe-


Ta pesey hopi establecimiento ta cambia pa Host
Pa cita of demonstracion Gratis yama 31716

host

Dry Extraction Carpet Cleaning



TOYOTA a kibra porcentaje ariba financiamiento. compra un TOYOTA nobo for di stock durante luna di Juli y bo ta paga na lugar di 18% of 9% solamente 12% of 6%



CARAGE CORDIA ARUBA N.V.